

P. 781, L. -6【法華三昧】如前 p. 706:6「因果不二，權實不二，本迹不二。」

《四明尊者教行錄》卷2〈修懺要旨〉：「若欲廣知。應尋摩訶止觀。當知止觀一部即法華三昧之筌蹄。一乘十觀即法華三昧之正體。圓頓大乘究竟於此。」

(T46,p.870b15-17)法華三昧又作法華懺法、法華懺。即依據法華經及觀普賢經而修之法，以三七日為一期，行道誦經，或行或立或坐，思惟諦觀實相中道之理。此法以懺悔滅罪為主，故須於六時修五悔，即於晨朝、日中、日沒、初夜、中夜、後夜等六時，勤修懺悔、勸請、隨喜、迴向、發願等五悔。其法有三：(一)身開遮，開用行、坐二儀而遮止住、臥二儀。(二)口說默，口誦大乘經典而不間雜其他事緣。(三)意止觀，分為有相行、無相行二種：(1)有相行，依據勸發品，以散心念誦法華經，不入禪定，無論、坐、立、行，皆一心念誦法華文字，並於日夜六時懺悔眼、耳等六根之罪障。(2)無相行，依據安樂行品，入於甚深之妙禪定，觀照六根，觀一切法空如實相（以一心三觀照見一境三諦之實相）。～《中華佛教百科全書》《法華三昧懺儀》(T46, no. 1941, p. 949b)

P. 781, L. -5【二十五王三昧】《妙法蓮華經文句》卷10〈釋妙莊嚴王本事品〉：「離惡趣者，一往以三途為惡趣，具論二十五有，皆乖真起妄，悉是惡趣，今皆離之，即二十五三昧，破二十五有也。」(T34,p.147c11-14)《止觀輔行傳弘決》卷2：「能破六道三障二十五有。成二十五王三昧。」(T46,p.195c5-6)《觀音玄義記》卷2：「初地初得三觀現前。證二十五王三昧，法身清淨，無思無念，隨機即對，是不思議妙應也。」(T34,p.900b19-21)卷4：「二十五王三昧，破二十五有，顯真常我性。通有四意：一、出諸有過患，二、明本法功德，三、結行成三昧，四、慈悲破有。觀音自行已破諸有惑業過患，功德三昧皆已成就，正以慈悲令他破有，故知今用即第四意也。」(T34,p.920c15-20)參考前文 p. 743:-2「王三昧」。

P. 782, L. 1【示教利喜，王大歡悅】《法華經授手》卷10〈妙莊嚴王本事品第二十七〉：「此敘王等受二子化導。踐見佛聞法之言。以明二子具足菩薩所行之道。故令父母證得檀波羅蜜也。各携眷屬一時詣佛者。所謂轉則同轉。而體用俱到也。然修敬畢而却住一面者。正待本覺開彰。而成法利也。下言彼佛為

王說法竟。不出其所演者何經。而謂示教利喜者。即是為說此妙法也。乃結前二子所對。今在七寶菩提樹下。廣說法華經。是我等師之語也(p. 780:1)。王大歡悅者。向聞子言。難值之佛。如優曇華。難聞之時。如浮木孔。今一旦聞見俱妙。宜應慶幸無量。故知前見二子神力。雖曰心大歡喜。是淨藏之初開。淨眼之初明。見聞尚在彷彿。所以即問誰為師、誰之子也。今所言大歡悅者。乃親見親聞也。」(X32,p.821a12-24)依後文：「王出家已。於八萬四千歲。常勤精進。修行妙法華經。」可知：王前於佛所聽聞者，應是妙法華經。

P. 782, L. 2【於虛空中化成四柱寶臺】《法華經授手》卷 10〈妙莊嚴王本事品第二十七〉：「知音云。王等因聞法喜。捨身莊嚴。行檀度也。瓔珞成四柱臺。表即檀度具四無量心。兆王他日得佛之依報也。以牀為坐臥所依。衣為行住所依故。其上有佛。即雲雷音之化身。坐於臺上者。為後王升虛空之案。兆王他日得佛之正報也。王作念等。乃為後讚佛相好之案。亦為後捨位出家之兆也。○瓔珞供佛。表行歸於理。成四柱臺者。表圓行於法性空中而成四智。即莊王、淨德、淨藏、淨眼也。而四智中本具法空之座。忍辱之衣。由此四智圓融。則本覺之佛放大光明。所謂『大圓無垢同時發。普照十方塵剎中』也。以上是如來引莊王一生取證四智三身。以證當人於一念中。具此妙法耳。」(X32,p.821b2-13)

P. 782, L. 7【佛授王記】《法華經大成》卷 9：「時王一觀勝相。頓覺世間幻惑之色。無可愛樂。故深讚佛身微妙之色。此則邪心併絕。正念現前。故得受記作佛。」(X32,p.536a6-8)《法華經授手》卷 10〈妙莊嚴王本事品第二十七〉：「王未出家。而便得記者。由見佛聞法。即作是念：佛身希有。端嚴殊特。成就第一微妙之色。便有希望成佛之志。則隱然有佛道誓成之四弘願也。而此之志。人無能知。故佛特為明告。以授成佛之顯記。亦表即俗而明真也。然後作比丘精勤修習。助宣道法。是滿足福智二嚴。方得成佛。佛號娑羅樹王者。取其廣被羣生。無所不蔭也。國名大光。乃破諸一切不善之暗也。劫名大高王。乃超諸高貴而得自在也。次記菩薩聲聞無量者。由今日一念淨信。風化臣妾使皆得法喜。成廣蔭也。其國平正者。由捨諸邪見。直取菩提。必無不平之想也。」(X32,p.821b16-c2)「娑羅」，梵語 śāla，有堅固、高遠之義。～《佛光大辭典》